



Broj: 12-30-24673-4/23
Sarajevo, 08.09.2023. godine

Na osnovu člana 20. i 21. Zakona o namještenicima u organima državne službe u Federaciji Bosne i Hercegovine ("Službene novine Federacije Bosne i Hercegovine", broj 49/05, 45/10 i 103/21), odredbi Pravilnika o unutrašnjoj organizaciji i sistematizaciji Ministarstva kulture i sporta Kantona Sarajevo (broj: 12-02-9199/18 od 26.04.2018. godine, broj: 12-02-9199-4/18 od 17.09.2018. godine i broj: 12-02-37868/21 od 12.10.2021. godine) i Odluke Vlade Kantona Sarajevo, (broj: 02-04-35120-14/23 od 10.08. 2023. godine), ministar kulture i sporta Kantona Sarajevo, objavljuje

INTERNI OGLAS
za popunu upražnjenog radnog mjesta namještenika na neodređeno vrijeme
u Ministarstvu kulture i sporta Kantona Sarajevo

Naziv radnog mjesta:

Viši referent za unos podataka u trezorski sistem jedan (1) izvršilac

Opis poslova radnog mjesta:

Obavlja poslove koji se odnose na:

- a) provjeravanje ispravnosti prispjelih naloga kroz glavnu i pomoćnu knjigu,
- b) obavljanje unosa svih vrsta uplata, naknada i drugih primanja korisnika usluga,
- c) praćenje realizacije unesenih naloga i dostavljanje nalagodavcima,
- d) pripremanje periodičnih izvještaja o realizovanim nalogima,
- e) pripremanje operativnih planova potrebnih sredstava,
- f) praćenje stanja raspoloživih sredstava na pojedinim kontima, glavnoj i pomoćnim knjigama,
- g) učestvuje u svim oblicima stručnog obrazovanja i usavršavanja, koje se odnosi na opis poslova ovog radnog mjesta,
- h) obavljanje i drugih poslova po nalogu ministra, pomoćnika ministra za ekonomske i pravne poslove i šefa odjeljenja,
- i) za svoj rad odgovara šefu odjeljenja i pomoćniku ministra.

U obavljanju poslova koji su u opisu ovog radnog mjesta obavezan je da primjenjuje Politiku kvaliteta Kantona Sarajevo, te prati i primjenjuje sve usvojene procedure vezane za sistem upravljanja kvalitetom prema zahtjevima standarda ISO 9001.

Pored općih uslova iz člana 24. Zakona o namještenicima u organima državne službe u Federaciji Bosne i Hercegovine ("Službene novine Federacije Bosne i Hercegovine", broj 49/05, 45/10 i 103/21) kandidat treba ispunjavati i posebne uslove za obavljanje poslova navedenog radnog mjesta utvrdene



Pravilnikom o unutrašnjoj organizaciji i sistematizaciji Ministarstva kulture i sporta Kantona Sarajevo i to:

Uslovi za vršenje poslova: Završena srednja ekonomska škola ili gimnazija, SSS-IV-stepen, najmanje 10 mjeseci radnog staža u struci, poznavanje rada na računaru i položen stručni ispit.

Potrebna dokumentacija:

Uz svojeručno potpisanu prijavu na Interni oglas koji sadrži kraću biografiju, adresu i kontakt telefon, poziciju radnog mjesta na koju se prijavljuje, sa tačno navedenom dokumentacijom koja se prilaže na Interni oglas, kandidat je obavezan priložiti original ili ovjerenu fco. sljedeće dokumentacije:

1. Uvjerenje o državljanstvu Bosne i Hercegovine (ne starije od 6 mjeseci),
2. Izvod iz matične knjige rođenih,
3. Dokaz o stepenu i vrsti školske spreme potrebne za obavljanje poslova radnog mjesta na koje aplicira (diploma ili svjedočanstvo o završenoj školi ili nostrificirana diploma ukoliko škola nije završena u Bosni i Hercegovini ili je diploma stečena u nekoj od država nastaloj raspadom SFRJ nakon 06.04.1992. godine),
4. Dokaz o radnom stažu (uvjerenje/potvrda iz službenih evidencija poslodavca ili uvjerenje FZ PIO/MIO FBiH)
5. Izjava kandidata da u posljednje dvije godine od dana objavljivanja Internog oglasa nije otpušten iz organa državne službe kao rezultat disciplinske kazne na bilo kojem nivou vlasti u Federaciji odnosno Bosni i Hercegovini (ovjerena u nadležnoj službi općine koja vrši ovjeru potpisa, data i ovjerena nakon objave Internog oglasa),
6. Izjava kandidata da nije obuhvaćen odredbom člana IX 1. Ustava Bosne i Hercegovine (ovjerena u nadležnoj službi općine koja vrši ovjeru potpisa, data i ovjerena nakon objave Internog oglasa),
7. Potvrda ili uvjerenje da je kandidat u radnom odnosu u organu državne službe jednog od nivoa vlasti u Federaciji Bosne i Hercegovine,
8. Dokaz (potvrda/uvjerenje) o poznavanju rada na računaru,
9. Dokaz o položenom stručnom ispitu za namještenike u organima državne službe u Federaciji Bosne i Hercegovine.

Izabrani kandidat je dužan dostaviti ljekarsko uvjerenje o zdravstvenoj i radnoj sposobnosti prije stupanja na posao.


Prijave sa traženim dokumentima dostaviti u zatvorenoj koverti putem preporučene pošte ili putem pisarnice Kantona Sarajevo sa naznakom "Komisija za provođenje Internog oglasa za prijem namještenika – NE OTVARATI", na adresu Ministarstvo kulture i sporta Kantona Sarajevo, ul. Reisa Džemaludina Čauševića broj 1, 71000 Sarajevo.

Dokumentacija uz prijavu dostavlja se u originalu ili ovjerenoj kopiji.

Interni oglas ostaje otvoren 10 dana od dana objavljivanja na oglasnoj ploči Kantona Sarajevo, web stranici Kantona Sarajevo.

Nepotpune i neblagovremene prijave neće se uzimati u razmatranje.

NAPOMENA: Pravo prijavljivanja na ovaj Interni oglas imaju namještenici iz organa državne službe svih nivoa vlasti u Federaciji Bosne i Hercegovine.



MINISTAR

Kerim Magoda



Adresa: Reisa Džemaludina Čauševića 1, 71 000 Sarajevo
Tel: + 387 (0) 33 562-062, Fax: + 387 (0) 33 562-062
Web: <http://mks.ks.gov.ba>, E-mail: mks@mks.ks.gov.ba